

四庫全書

史部

欽定四庫全書

史部

河源紀畧卷二十七

詳校官監察御史臣王爾烈

刑部郎中臣許兆椿覆勘

纂修官編修臣吳省蘭

謄錄舉人臣解會心

欽定四庫全書

河源紀畧卷二十七

紀事二

和闐

謹按和闐即漢于闐晉魏以下皆因之五代名玉州  
今其地距京師一萬二千一百五里境內最著者凡  
六城曰伊里齊為鎮城曰哈喇哈什曰玉隴哈什曰  
齊爾拉曰塔克曰克勒雅皆統屬和闐漢書西域

傳于闐在南山下蓋于闐在南山之北蔥嶺之東魏書云在蔥嶺北者誤指南山為蔥嶺也其全境自葉爾羌東界至克勒底雅城東西千有餘里與魏書方亘千里適合自伊里齊城西南一百六十里有城垣曰皮什雅又南五十里南山中即和闐河水發源處其水北流二支並出經玉隴哈什哈喇哈什城又北四百里合流為和闐大河又北流五百里會喀什噶爾葉爾羌二河克勒雅城在伊里齊城

東四百里為和闐最東境即古扞彌國和闐為  
和闐河水發源之地謹紀其事如左

乾隆二十三年駐劄阿克蘇尚書舒赫德遣散秩  
大臣鄂對同侍衛齊凌札布噶布舒前往招撫和  
闐途次傳檄時逆賊霍集占遣使在其地和闐頭  
目等聞

天朝使至即將霍集占所遣之四五十人擊逐鄂對等  
未到三日先率衆出迎和闐所屬之哈喇哈什玉

龐哈什塔克齊爾拉克勒雅等城諸伯克俱各聞風投誠傾心降服遂留鄂對等駐兵五百人以鎮撫之其後賊以和闐僻遠大兵不能即到遣賊黨阿卜都克勒木等六百餘人往來和闐侵犯城池六城已失其三鄂對等鼓勵降回悉力拒守與賊相持兩閱月會將軍兆惠富德等自葉爾羌旋兵阿克蘇途次聞信遣副都統巴圖濟爾哈爾瑚爾起等統兵千人赴援兵至伊里齊賊望風即逃大

兵與鄂對等合偵知賊衆有騎賊六百人步賊千餘人在哈喇哈什城外博羅齊駐營將兵徃勦行至哈喇哈什忽大霧瀰漫人對面不相見遂乘霧急行繞出賊後行抵賊營賊始覺接戰官兵奮勇勦擊賊衆奔潰追過阜窪勒河收復伊里齊哈拉哈什亦即還定玉隴哈什齊爾拉并以次安輯馳書招撫塔克及克勒雅二城俱生縛賊酋以獻事在二十四年三月和闐復定設辦事兼領隊大臣

二員駐防綠營都司一員統防兵二百名臺兵三

十二名

御製博羅齊行 己卯

博羅齊者隣和闐賊回據險偵我軍先是圍解黑水困

元戎遣救掄二臣

去冬將軍兆惠兵備葉爾羌恃勇逞  
渡葉爾羌河以衆寡不敵為賊所困

乃築柵黑水之地相持累月小和卓木乘間遣賊黨往  
圍和闐六城已失其三違副將軍富德統兵應援與兆  
惠夾擊破賊圍解之後兆惠與諸將集議運副都一為  
統瑚爾起及巴圖濟爾噶爾率偏師馳救和闐

瑚爾起吉林舊族世受恩一巴圖濟爾噶爾乃厄魯特



宰桑其勇誠起羣同心協力速赴援率軍數不能盈千  
途歷戈壁不毛之地負甲步進無俄延哈拉哈什已垂  
陷齊凌扎布馳來言夜急行至伊立齊時賊望風先逃  
奔集兵拯哈拉哈什賴

天大霧彌漫漫乘霧直搗賊營後伺急奮勇攻中堅斬將  
塞旗獲輜重孤城恢復餘俱安昔薛延陀禱神能致雪

翼困李勣終乃自敝焉此霧或亦敵鮓答

西域習咒術者能禁制作

使風雲雨雪霜  
露名曰鮓答

翻為我用成功全易云

天所助者順向猶未信今信然持盈知足感

帝祐敢肆志詡能開邊

御製和闐賊遁詩以誌事

并序  
己卯

和闐為回部扼要重地所屬六城曰伊立齊哈拉哈  
什玉隴哈什齊喇塔克克里雅而統名之曰和闐先  
是將軍兆惠遣侍衛齊凌扎布噶布舒及回長鄂對  
伯克等往招歸順繼大軍被圍小和卓木遣賊黨往  
攻和闐齊凌扎布噶布舒等分守伊立齊哈拉哈什

玉隴哈什三城百計抵禦以待援師其餘三城力不能支復叛降賊兆惠等解圍之後即遣副都統巴圖濟爾噶爾瑚爾起等分兵馳救望見賊營時值大霧彌漫我師乘勢奮勇直前衝擊殲其渠魁阿布都海里克及和集雅斯二人鄂斯滿被創竄去餘賊悉遁和闐得以解圍其三城仍即撫定

傳檄曾聞定六城狂且怒臂致加兵力單三堡重去聲反

覆

伊立齊哈拉哈什玉隴哈什被圍時齊喇塔克克里雅城內降回度守禦單弱不能自存隨後叛從賊

計守十旬實勇誠產玉河邊遁敵騎採花沙上識王旌  
古稱羊侃斯為盛何吝嘉勤爵賞行

按漢書言河源一出于閩自張騫使西域其名  
始通于中國自此以後或時一通貢獻唐設四  
鎮號曰毗沙然屢服屢叛羈縻無常我

皇上德威遠播遐裔歸心

王師所臨傳檄招撫迎降恐後迨賊氛偶煽而乘陴者

堅守待援

聖謨獨運

天佑聿彰逐北追奔旋即撫定迄今設官定賦置戍開營  
萬餘里外悉隸圖籍于以考南山之形勝稽大  
河之靈源極陬履勘如在階閭其道里方向援  
今證古皆確指其地以實之幸逢

國家聲靈遠播述

神聖之武功以揚無前之盛業猗歟盛哉

漢書西域傳于闐國王治西城去長安九千六百

七十里戶三千三百口萬九千三百勝兵二千四百人東北至都護治所三千九百四十七里

後漢書班超傳于寘王廣德新攻破莎車遂雄張南道而匈奴遣使監護其國超既西先至于寘廣德禮意甚疎且其俗信巫巫言神怒何故欲向漢漢使有駟馬急求取以祠我廣德乃遣就超請馬超密知其狀報許之而令巫自來取馬有頃巫至超即斬其首以送廣德因辭讓之廣德大惶恐即

攻殺匈奴使者而降超超重賜其王以下因鎮撫  
焉

又西域傳莎車王彊盛攻并于寘徙其王俞林為  
驪歸王明帝永平中于寘將休莫霸反莎車自立  
為于寘王兄子廣德立後遂滅莎車其國轉盛從  
精絕西北至疏勒十三國皆服從而鄯善王亦始  
彊盛自是南道自葱嶺以東唯此二國為大順帝  
永建六年于寘王放前遣侍子詣闕貢獻

三國志魏文帝本紀黃初三年二月于闐王遣使奉獻詔遣使者撫勞之置戍巴校尉

晉書張駿傳咸康中駿使其將楊宣率衆伐西域諸部于寘王遣使貢方物

魏書西域傳于闐國在且末西北葱嶺之北二百餘里去代九十八百里其地方亘千里連山相次所都城方八九里部內有大城五小城數十真君中世祖詔高涼王那擊吐谷渾慕利延慕利延懼



驅其部落渡流沙那進軍急追之慕利延遂西入于闐顯祖末蠕蠕寇于闐于闐患之遣使素目伽上表望救顯祖詔公卿議之公卿奏曰于闐去京師幾萬里蠕蠕之性惟習野掠不能攻城若為所拒當已旋矣雖欲遣師勢無所及於是停師不行先是朝廷遣使者韓羊皮使波斯波斯王遣使獻馴象及珍物經于闐于闐中于王秋仁輒留之假言慮有寇不達羊皮言狀顯祖遣羊皮奉詔責讓

之自後每使朝獻

南史西域傳于闐者西域之舊國也梁天監九年  
始通江左遣使獻方物十三年又獻波羅婆步障  
十八年又獻琉璃毼大同七年又獻刻玉佛

隋書西域傳于闐國都葱嶺之北二百餘里都城  
方八九里國中大城有五小城數十勝兵數千人  
大業中頻遣使朝貢

唐書西域傳于闐或曰瞿薩旦那亦曰渙那曰屈

丹曰于遁曰豁旦距京師九千七百里瓜州羸四千里并有漢戎盧扞彌渠勒皮山五國故地其居西山城勝兵四千人貞觀六年遣使者入獻後三年遣子入侍阿史那社爾之平龜茲也其王伏闕信大懼使子獻橐駝三百長史薛萬備謂社爾曰今破龜茲西域皆震恐願假輕騎羈于闐王獻京師社爾許之至于闐陳唐威靈勸入見天子伏闕信乃隨使者來會高宗立授右衛大將軍子葉護

玷為右驍衛將軍賜袍帶布帛六千段第一區留  
數月還之請以子弟宿衛上元初身率子弟酋領  
七十人來朝擊吐蕃有功帝以其地為毗沙都督  
府析十州數傳及子勝至德初以兵赴難因請留  
宿衛乾元三年以其弟左監門衛率葉護曜為太  
僕員外卿同四鎮節度副使權知本國事

五代史四夷附錄于闐遠去京萬里外其國西南  
近葱嶺與婆羅門為鄰國而相去猶三千餘里南

接吐蕃西北至疏勒二千餘里晉天福三年于闐  
國王李聖天遣使者馬繼榮來貢晉遣供奉官匡  
鄴假鴻臚卿彰武軍節度判官高居晦為判官冊  
聖天為大寶于闐國王是歲冬十二月匡鄴等自  
靈州行二歲至于闐七年冬乃還居晦記曰于闐  
其年國號同慶二十九年自靈州渡黃河至于闐  
徃徃見吐蕃族帳而于闐常與吐蕃相攻劫匡鄴  
等至于闐聖天等頗責謂之以邀誓約匡鄴等還

聖天又遣都督劉再昇獻玉千斤及玉印降魔杵等漢乾祐元年又遣使者王知鐸來

宋史外國傳于闐國去京師九千九百里西南抵葱嶺東接吐蕃西入疏勒二千餘里乾德三年其國宰相致書樞密使李崇矩求通中國太祖令崇矩以書及器幣報之是冬于闐貢使至四年又遣其子德從來貢方物大中祥符二年其國黑韓王遣回鶻羅廝溫等以方物來貢天聖三年又遣使

來貢詔給還其直館于都亭西驛嘉祐八年遣使  
羅撒温獻方物以其國王為特進歸忠保順砮鱗  
黑韓王羅撒温言其王乞賜此號也于闐謂金翅  
鳥為砮鱗黑韓蓋可汗之訛也其後數以方物來  
獻熙寧以來遠不踰一二載近則歲再至元豐四  
年遣部領阿辛上表稱于闐國僂儼有福力量知  
文法黑汗王書與東方日出處大世界田地主漢  
家阿舅大官家大略云路遠傾心相向前三遣使

入貢未回重複數百言賜勅書諭之訖于宣和朝  
享不絕

明史西域傳于闐古國名自漢迄宋皆通中國永  
樂四年遣使來朝貢方物二十年貢美玉賜賚有  
加二十二年貢馬及方物宴賚遣還先是永樂時  
西域諸番貪中國財帛且利市場絡繹道途商人  
率偽稱貢使多携馬駝玉石聲言進獻既入關則  
一切舟車水陸晨昏飲饌之費悉取之有司郵傳



困供應軍民疲轉輸比西歸輒緣道遲留多市貨物東西數千里間騷然繁費公私上下罔不怨咨至是給事中黃驥極陳其害仁宗感其言召禮官呂震責讓之自是不復使西域貢使亦漸稀于闐古為大國隋唐間侵并戎盧扞彌渠勒皮山諸國其地益大南距葱嶺二百餘里東北去嘉峪關六千三百里大畧葱嶺以南賽瑪爾堪最大以北于闐最大元末時鄰國交侵人僅萬計悉避居山谷

永樂中稍獲休息漸行賈諸番復致富庶迄萬厯

亦間入貢

賽瑪爾堪舊作撒馬兒罕今改正

附克勒雅

漢書西域傳扞彌國王治扞彌城去長安九千二百八十里戶三千三百四十口二萬四千勝兵三千五百四十人

後漢書西域傳拘彌國居寧彌城去長史所居柳中四千九百里順帝永建四年于闐王放前破拘

彌自立其子為拘彌王而遣使者貢獻於漢敦煌  
太守徐由上求討之帝赦于寘罪令歸拘彌國放  
前不肯陽嘉元年徐由遣疏勒王臣槃發二萬人  
擊于寘破之斬首數百級放兵大掠更立興宗人  
成國為拘彌王而還至靈帝熹平四年于寘王安  
國攻拘彌大破之戊己校尉西域長史各發兵輔  
立拘彌子定興為王時人衆口裁有千口  
魏畧扞彌國并屬于闐

唐書西域傳于闐東三百里有建德力河河之東  
有汗彌居建德力城亦曰拘彌城即寧彌故城

烏什

謹按烏什為漢尉頭地隋屬疏勒唐書一名鬱  
頭州漢尉頭南與疏勒接山道不通後漢書謂  
疏勒東北經尉頭諸國至焉耆蓋此山道至後  
漢始通烏什西南境即疏勒東境北倚天山北  
史所謂在白山南是也地多砂磧砂磧之南喀

什噶爾河橫亘其前砂磧之西西山遙橫所謂  
南有黃河北帶葱嶺形勢儼然阿克蘇河西源  
自發源南流又東北流先經烏什城北謹紀其  
事如左

乾隆二十三年八月將軍兆惠等兵至哲爾格哲  
克得和闐城舊伯克霍集斯及其長子烏什城阿  
奇木伯克漠咱吧爾等馳書詣軍門投誠霍集斯  
者回部望族也平定伊犁時嘗從大兵擒達瓦齊

遂偕霍集占奉使招撫回城霍集占叛脅之為逆  
及聞大兵至即有意歸正末由自拔霍集占自庫  
車敗逃道經烏什霍集斯父子將以計誘入城擒  
獻為所覺未果因擊走霍集占固守烏什城以待  
我師及是遂以城降兆惠等令漠咱吧爾入

觀擊霍集斯從軍而西尋以大臣駐其地乾隆三十年  
駐劄大臣素誠與阿奇木伯克阿布都拉措置垂  
方擾累回衆二月伯克賴黑木圖拉等乘機煽亂

聚衆五百餘乘夜縱火焚掠戕殺官軍遂據城以叛  
上命伊犁將軍明瑞等率師往討明瑞兼程進急攻之  
賊度不能抗乃聚謀走間諜巴布敦等求援于霍  
罕之厄爾德厄伯克又教為詭語以煽惑諸布魯  
特適喀什噶爾阿奇木伯克噶代默特遣人告以  
叛逆惟烏什一城餘皆安堵諸布魯特即縛巴布  
敦以獻賊益懼嬰城固守圍之數月勢益蹙謀夜  
出襲我營傾知之設伏以禦賴黑木圖拉中箭死

賊黨復推其父厄塞木圖拉為阿奇木悉衆死守  
明瑞復選巴圖魯兵夜携雲梯薄其城登陴舉火  
殲賊無算賊衆懼謀縛厄塞木圖拉詣軍營納降  
因以獻城遂內潰八月十五日大軍入城逆黨伏  
誅徙其餘衆烏什復平移駐阿克蘇參贊大臣喀  
什噶爾領隊大臣於此設章京侍衛等官如額管  
理駐防滿營協理一員轄滿營馬步兵二百名管  
理駐防綠營守備一員統馬步兵七百五十名管



理屯政官弁無常額屯田八千畝屯田兵四百名

又採銅兵二百五十名

御製烏什城酋長霍集斯伯克携回衆獻城降詩以紀

事 戊寅

執渠早是被恩榮

先是連瓦齊自格登窮竄霍集斯伯克奉軍檄設計縛獻錄功褒賞畏

逼遷隨尚近情

霍集斯伯克與小和卓木均係回目特為所強憐因附和觀釁罪在可宥識

順料伊將倒戟

常與軍機大臣籌畫軍情曾諭及霍集斯伯克有擒獻連爾齊一節我軍至其

地彼或降順比大兵既近伊果筵款小和卓木計圖擒縛因為得覺遁去遂率衆投款軍門

剪兇匪

我願佳兵申明昧雉霜嚴令

庫車之圍逆首唾手就獲而失律者貽誤因命將軍

兆惠往代就途次執失律之臣明示顯戮軍威大振

疊見牽羊肉袒迎

天祐人歸逮底績越因兢業凜虧盈

御製烏什戰圖補詠

有序  
戊子

自庚辰西師凱旋之後伊犁則築城墾野回部則減賦薄征視地之大小險夷各駐以大臣戍以兵卒晏然無事矣越五年乙酉而有烏什之變烏什者介於阿克蘇喀什噶爾之間為回部適中之地依山為城

有險可恃田肥饒水充足又有牧場可滋長馬牛羊  
故變亂之後逆賊守至六月始食盡力窮縛其酋  
以獻於是誅戮其精壯遷徙其婦稚凡烏什之城及  
其所附村落皆為官有駐以大臣戍以兵卒如前制  
而更申明紀律馬夫烏什固據形勝得扼吭捩臂之  
勢而宜厚駐我兵以鎮壓衆回部之地也初以王師  
勦逆撫順不可無故奪之今值彼變亂自取屠滅因  
以為回部適中官軍都會之地是又開惑論所謂愈

變而愈康者非

天垂貺豈能若是哉而予渺躬之荷

寵綏勵兢業又當何如哉其致變之由及我官軍之奮勇  
克復條為六事各繫以詠如左

開變

乙酉二月烏什小伯克賴黑木圖拉等聚衆五百餘  
乘夜縱火焚掠戕殺官軍駐守之副都統素誠自殺  
賊遂據城為變時駐阿克蘇之副都統卞塔海聞之

急郵奏報覽其詞過於張皇知其庸懦不足集事且  
回衆久懷德威使非激之致亂不應自棄化外庸可  
不察其由以示懲創因降旨駐伊犁之將軍明瑞細  
查致變之由以聞

南巡三月返春舟六百飛傳計里郵

卡塔海初奏烏什  
事由六百里馳達

時方自杭州廻蹕即于行舟  
批卷並籌度調兵諸機宜

展視乃知烏什變報來始

自阿蘇投

回語阿克蘇急呼則為阿蘇烏什卡倫官全  
福等開城中變急投阿克蘇報知卡塔海即

據以輕徭本是常施惠倡亂何當彼取尤師駐伊犁定

赴援重臣宣命察因由

回衆蠢動因罪無可逭若召釁有由亦不可不申國法以儆其

餘因密諭明瑞于赴援時訪實速奏

### 師援

阿克蘇喀什噶爾與烏什相犄角應援最近而下塔  
海與駐喀什噶爾之都統納世通雖亦領兵往救但  
二人素未經戰陣無益於事時明瑞聞而統兵赴援  
兼程進至則申明軍律並力攻城賊始困窘

勲戚伊犁董重兵

明瑞于平定回部時奮勇追勦屢著功績素為回人所憚因命其為將軍

駐伊犁統轄諸回城事

早年回部得威名變聞遂率雄師援塗遠

仍教兼驛行

計明瑞聞烏什事必率師赴援但伊犁相距幾二千里慮或稽時奏至知其兼程前

進為之欣慰

可笑無能還妬阻

納世通甫至烏什聞明瑞統兵赴援之信恐其分功遽行

文阻止奏至降旨嚴飭而明瑞亦不從其言決計迅赴

幸因未聽遂遄征逆回始

相聳倉皇守壁壘新知紀律明

卞塔海納世通諸事失措為逆回所輕及明瑞

至申嚴軍律賊衆始惶懼死守不敢復出

### 獻謀

烏什伯克賴黑木圖拉既叛慮其力之不能抗我師

也乃相與聚謀走間諜巴布敦等卑辭厚幣求援於  
霍罕之厄爾德尼伯克又教為詭語以煽亂所過諸  
布魯特惟時布魯特久效恭順且知逆黨之妄也遂  
執巴布敦等遣使詣喀什噶爾以獻

遊牧東西勃律連

唐之勃律即今之布魯特

不同回部列氓編

諸城向

若準噶爾賦重自己郊底定時即為城定賦額一如內地編戶徵納人皆樂輸至布魯特則逐水草而居非若

回人之能習耕作盡地利故雖向化內附不令納賦惟入覲時職貢效忱而已負城既叛賴黑

木賴黑木園拉既據烏什即遣其黨巴布敦等借安集延塔什罕之貿易回人賫書幣潛往霍罕乞援間



去聲道潛通安集延布魯適居路徑過去聲駒支驀遇計擒

全

巴布敦等至布魯特境即詭稱附近烏什各回城同時俱亂冀以煽惑諸部衆適喀什噶爾阿奇木伯克

噶代默特道人告之以叛逆惟烏什一城餘皆安堵時布魯特比齊里克齊遂誘巴布敦等擒之即遣其弟喀爾扞都解送喀什噶爾比者部

輸衷意實虔

悉故

布魯特既縛獻巴布敦等於喀什噶爾時駐喀什噶爾之副都統柏琨訊其變亂之由則稱烏什之阿奇

木伯克阿布都拉橫派驥擾蕩檢宣淫而副都統素誠不但不加督責且與之同流合汙以是回衆不勝其忿遂脅衆生變又納世通卞塔海平時亦妄自尊大凌雲諸回素為衆怨所集且卞塔海初至烏什城下不事詰剖輒施鎗礮以攻及賊出拒復怯而敗走納世通繼至亦茫然不知所措賊益逞其負嵎之勢明瑞詢察得實臚章入告與柏琨所奏悉合因各視其罪重懲之

巴布敦詞實可憑周諮我衆又堪徵

明瑞查訪致亂所由知素誠擾累不

法及納世通卞塔海庸妄乖謬諸罪狀皆得自貿易人衆臺站諸回之口詢之在事侍衛等亦衆吻如一哥

舒翰既少恩甚

阿布都拉為哈密回部貝子王素富同產弟以其久內附之回授為烏什阿奇

木伯克乃自蒞事以來不知恤衆每將疲瘦羊馬倍值取利又肆為淫惡致所屬回衆切齒亂作亦並遇害實

非意料所及李大宜還耽樂仍

素誠在烏什惟事科派苦累又復淫縱無忌賴黑木圖拉

之妻亦曾為所留因而蓄怨生變則素誠實死有餘辜矣一死餘辜真尚有兩駕

駕愧惟增

此雖素城阿布都拉之罪然用二人以致債棘之愧實切於懷

可同効節加

優恤用戒將來示創懲

攻堅

明瑞等攻烏什數月圍困甚力賊出拒戰者即擒獲  
誅磔於是賊驚駭聚計謂與其束手就斃毋寧捨死  
以求生因謀夜出襲營我軍覘知之預為之備賊首  
賴黑木圖拉中箭死賊黨益窘怖復推賴黑木圖拉  
之父厄塞木圖拉為阿奇木悉衆死守以延殘喘此  
皆得之捉生鞠訊者已而明瑞復掄銳夜薄其城  
登陴毀堞奮擊獲大勝賊自是日危蹙矣

罪不容誅賊自知求生捨死死相持誘來平野騎弗進

賊知罪在不赦僥倖追死明瑞等知之即調兵兩隊先後繼進前隊次青努爾擇地張旣以待欲誘賊至平地今後隊奮擊賊即退守城我軍追躡及城下賊猶持火器乘陴拒敵轟以大礮賊乃匿避仰薄高峰

銳銳施督以衝堅誠亦易諭令

平聲鄭重故因遲烏什初

即統兵赴援復命尚書阿桂馳驛往會之彼時以烏什蕞爾孤城又無外援易于收服毋庸悉銳進攻輕擄鋒

鎗致多傷我士卒因諭令嚴急雲梯豎即登城堞賊既

窮窟

益固守不敢出明瑞等以時屆秋令師旅不宜久羈乃簡巴圖魯六百餘中夜携雲梯分道潛往薄城兩隅東北隅先登賊未覺捷刃交下守陴賊狼狽竄即舉號火招繼進者又循墉自北而東南悉據有之毀其垣堞施

鎗箭已石俯擊殲賊無算  
後以天明收軍未即得城早使遊魂釜底馳

城復

登城之捷賊益膽落我軍乃逼城築壘嚴圍斷其樵  
汲即有突出者並擊敗之賊城糧絕馬饑折屋以爨  
撤茅以飼殍仆溢塗巷衆皆憂悸離畔沙爾布者烏  
什之舊酋伯克故未從賊為惡乘人心洶懼謀縛厄  
塞木圖拉詣軍營納款因以獻城至夜遂內潰先是  
諭明瑞等曰賊不早悔罪伏法若城垂破始乞降則

不可貸當悉殲之以揚我武黎明我軍振旅入城悉戮其黨羽徙其婦孺烏什復平時八月十五日也

斧塘鋒蝟勢將

平

成將

去

聲恐

多傷

退我

兵

我東北登城

一軍既獲全

勝其攻西南者以賊已有備不復能上明瑞等因天已  
獨明恐為賊所要襲急撤城上兵遂未得乘銳搆其巢

穴

高壘深壕奚道命析骸易子苟延生倒戈縛就無完

盈  
卵輿櫬獻來逮破城教寫陣圖旌衆勇定功惟是凜虛

漢書西域傳尉頭國王治尉頭谷去長安八千六

百五十里戶三百口三千三百勝兵八百人東至  
都護治所千四百一十一里

又班超傳建初元年詔徵班超還疏勒遂與尉頭  
連兵超擊破尉頭

魏書西域傳尉頭國居尉頭城在温宿北去代一  
萬三千里後屬龜茲

唐書地理志河西內屬諸州一尉頭州又一曰鬱  
頭州在赤河北岸孤石山



阿克蘇

謹按阿克蘇在漢為溫宿國地唐名溫府州一曰于祝一曰溫肅州今其地距京師一萬七千九十里水經注引釋氏西域傳河水暨於溫宿之南左合枝水上承北河今喀什噶爾葉爾羌兩河自西而東至阿克蘇南阿克蘇河南流注之與水經注所引適合阿克蘇河西源自烏什界入阿克蘇境東南流東源出北山南流過阿

克蘇西東南流二源合東南會喀什噶爾河葉爾羌河又阿克蘇東為雅哈阿里克自其境西南至塔里木大河北岸為古姑墨國地唐名亟墨一名跋祿迦今并屬阿克蘇唐書跋祿迦西三百里度石磧至凌山葱嶺北原也水東流今雅哈阿里克西三百里許庫克墨根發源之山為薩瓦布齊山當即所謂凌山庫克墨爾根河東南流入阿克蘇河與葱嶺諸水會故謂之葱

嶺北源阿克蘇境為阿克蘇河諸源從出之地  
謹紀其事如左

乾隆二十三年大兵克庫車阿克蘇回人齎降文  
至將軍營先是逆回霍集占歸舊部以其黨阿布  
薩塔爾為阿克蘇伯克霍集占庫車敗回時阿布  
薩塔爾將城外數百戶徃隨之霍集占欲徙其衆  
於烏什回人閉城弗從賊怒攻城回衆登城拒戰  
殺其屬數十人聞大兵至即以城降將軍兆惠自

賽里木馳至統兵入城回衆皆携子女跪迎城上  
鳴鈺擊鼓雜以管籥兆惠等跪示云

大皇帝德威為天下共主薄海內外罔不臣服屬在遐  
荒撫綏一體各從本俗以安生理準噶爾狡詐俱  
已勦滅哈薩克布魯特等盡皆歸附惟霍集占自  
外生成是以興師討罪汝等被脅附和罪應寘法  
今悔罪投誠謹遵

恩旨待以不死回衆仰天額手安堵如故所屬村三十

有六共五千餘戶悉皆歸附設管理駐防綠營遊擊一員統兵一百名管理屯政官即駐防武職不

另設稻田一百五十畝屯兵十五名

御製阿克蘇回衆投降詩以紀事

戊寅

回衆築城居取之原屬易庫車其東戶防守所特脩徒

以將無能久困致自棄先是已兩勝

方逆回赴援庫車官兵一殲之于托

和尙再殲之于鄂根河逆黨斃者五六千人賊勢大蹙唾手可就擒獲

兵威亦云熾雜種

况風怯尖城更悞悻是宜鼓衆前先聲圖成事而何待

益兵稍進復停轡

逆回已失庫車雅爾哈善不即乘機進勦藉口需兆惠兵至將前忽却屢

失事

會 割穀資兵糧前途穀滿地不過藉口食遂其遷延

計夷考回所據大城原有四曰葉爾奇木哈什哈爾暨

阿克蘇烏什其餘率小類阿克蘇今歸實斷其左臂故

緣彼城中伯克乃新置霍集占心腹

霍集占既歸舊部各城皆置其心腹

以為脅制比聞大兵將至阿克蘇回衆即協力與逆酋拒戰逐其所置伯克獻城請降

強從非衆

意今聞被創敗倒戈更相拒叶 戕害其用人獻城降遣

使此又宜速赴河上遣遙真

阿克蘇既以城降正可督兵前進諸城可傳檄而定

雅爾哈善乃以禾稼在地欲為生食株守  
之計豈前途獻地相踵轉慮資糧不給耶  
是謂棄

天祐作孽乃由自易帥明憲章

時命將軍兆惠星馳往代其軍將雅爾哈善解京治

罪靖遠佈恩惠殲渠赦脅從教化逮闇昧勿哉勉運籌  
顯若翼

明賜

漢書西域傳溫宿國王治溫宿城去長安八千三百五十里戶二千二百口八千四百勝兵千五百人東至都護治所二千三百八十里

魏書西域傳溫宿國居溫宿城在姑墨西北去  
代一萬六百五十里後屬龜茲

唐書地理志河西內附諸州一名溫府州又大石  
城一曰于祝曰溫肅州

附雅哈阿里克

漢書西域傳姑墨國王治南城去長安八千一百  
五十里戶三千五百口二萬四千五百勝兵四千  
五百人東至都護治所二千二十一里王莽時姑



墨王并其國

後漢書班超傳建初三年超率䟽勒康居于冥拘  
彌兵一萬人攻姑墨石城破之

魏書西域傳姑墨國居南城在龜茲西去代一萬  
五百里後屬龜茲


唐書西域傳阿史那社爾破龜茲沙州刺史蘇海  
政行軍長史薛萬倫以精騎窮躡六百里王計窮  
保撥換城社爾圍之閱月執王及錫獵顛自龜茲

羸六百里踰小沙蹟有蹟祿迦小國也一名亟墨  
即漢姑墨國橫六百里縱三百里

又突厥傳突騎施陰幸邊隙圍撥換大石城將取  
四鎮會嘉惠拜安西副大都護即發三姓葛邏祿  
兵共擊之

又地理志阿悉言城又六十里至撥換城一曰威  
戎城曰姑墨州南臨思渾河又河西內屬諸州一  
曰和墨州

唐西域記跋祿迦國大都城周五六里





欽定四庫全書

史部

河源紀畧卷二十九

詳校官監察御史臣王爾烈

刑部郎中臣許兆椿覆勘

纂修官編修臣吳省蘭

謄錄舉人臣解會心

欽定四庫全書

河源紀畧卷二十八

紀事三

賽喇木

拜附

謹按賽喇木為漢龜茲極西境唐時龜茲國之  
俱毗羅城今其地距京師一萬二百九十里其  
西九十里為拜唐書地理志俱毗羅城又六十  
里至阿悉言城即其地也今距京師一萬三百

八十里庫車河西源為木素爾河發源木素爾  
山西南流折而東南流經拜城之南又東經賽  
喇木之南入庫車界會塔里木大河賽喇木拜  
為庫車河發源先經之地謹紀其事如左

乾隆二十三年七月大兵圍庫車逆首霍集占率  
兵來援挾賽里木城回衆百人隨行且將遷其衆  
于阿克蘇衆弗從霍集占先以其黨阿里為賽喇  
木伯克至是回人阿爪斯伯凱等遂乘阿里之不

備夜持挺擊仆之其黨四十餘人除擊殺外餘俱  
擒縛解送將軍營乞降因以城獻于是遣侍衛寧  
古禮貝子玉素富等收其軍器安置其衆獲所屬  
村十有一凡五百餘戶及西域既平設管理駐防  
遊擊一員兼轄拜城統駐防綠旗兵四十名分駐  
拜城兵十名

歲祭木素爾鄂拉文

惟神德符良止位在兌維秀甲羣峰拔地倚天之勢靈



鍾絕徼出雲降雨之功匹蔥嶺以稱尊洵回中之巨鎮  
臨于闐而作幃允塞外之隩區朕紹服丕基救寧方夏  
渠搜即叙遂犁頡利之庭蒲海載清遠致防風之骨踰  
二萬里而獻捷不四五年而成功惟茲木素爾之山實  
隣阿克蘇之域曩者六師奏凱式彰默佐之庥今茲百  
部屯田聿顯懷柔之應是用登之祀典載在秩宗練吉  
日以薦馨遣重臣而展告庶縣肇舉巍乎列嶽鎮之班  
肝蠻丕昭歸然作塞垣之固介以繁祉休有烈光陳此

必芬庶其歌格

唐書地理志安西西出柘厥關渡白馬河百八十里西入俱毗羅磧經苦井百二十里至俱毗羅城又六十里至阿悉言城

庫車

沙雅爾附

謹按庫車為龜茲國稍東境今距京師一萬八十里龜茲國境後倚白山前臨大河東通輪臺烏壘尉犁焉耆西接姑墨今庫車北去額什克

巴什山一百二十里即唐書所謂北倚阿羯田  
山亦曰白山者也南有額爾勻大河橫亘于前  
距孔道二百餘里即魏書所謂南三百里大河  
東流號計式水即黃河者也沙雅爾城在其西  
南南濱塔里木大河庫車河西源會中源自賽  
里木境東流入庫車界先經沙雅爾城北而東  
其北源發源西南流由庫車城西而東其東源  
則由庫車之東北托和爾之西南俱合入塔里

木大河庫車諸城為庫車河經流入大河之地  
謹紀其事如左

乾隆二十三年五月大兵追討逆回霍集占行抵  
庫車遣人曉諭賊黨抗命進攻之不下散秩大臣  
鄂對告將軍雅爾哈善曰城東托合爾有地名托  
木洛克者通賽喇木拜兩城為逆回援兵要路宜  
防之乃遣侍衛達克他那領兵防守六月十五日  
有賊衆三千人來援即率兵往迎緩行誘之賊依

戈壁前溝邊于是遣副都統順德訥等增兵進禦  
黎明陳列隊伍前張兩翼賊依溝升阜列陣未安  
我兵競進環其四面鎗矢風發喊聲震林木賊大  
亂退伏溝中惟以短兵自衛我兵益奮勇擊射自  
午迄未盡殲之共勦賊二千餘人斃甲山積獲馬  
駝無算餘賊二十餘人負傷逸去小和卓木方自  
沙雅爾率衆來援聞之趨行渡烏恰特河近庫車  
城十里外領隊大臣順德訥愛隆阿端濟布等分

兵兩翼迎戰城中出賊數百人來衝我軍來援賊  
衆復來夾攻我軍奮勇鏖戰衝斷賊陣賊分三路  
敗走我軍亦分兵追勦至烏什特河口賊踉蹌涸  
渡人畜溺死無算勦殺餘衆河水為之不流獲回  
纛二霍集占以殘兵遁在庫車城沙雅爾城有逆  
黨之伯克阿布爾什木聞來援兵為大兵擊敗即  
震恐挈妻子逃奔其舊伯克烏哈墨第遣其子阿  
三和卓以沙雅爾城降收其衆三百餘戶老弱一

千一百餘口霍集占之遁入城也出戰為我兵擊傷數日堅閉不出夜率賊四百人遁而西逆黨阿布顏克勒復據城守隨竄去舊伯克阿集等以城降擒逆黨誅之收服回人三千六百餘口及西域平設辦事大臣一員兼轄沙雅爾章京筆帖式等官如額管理駐防綠營都司一員統馬步兵二百二名屯田兵即于駐防兵內派撥無常額

御製托和爾行

戊寅

我師攻圍賊庫車臨衝第第四面羅舊降伯克

回部中宰桑謂

之伯克

為我用其名鄂對顯秩加

授職散秩大臣

備知彼中之形

勢悉告將臣防周遮托和爾

地名

通賽里木

地名

賊來援者

所必過爰遣達克他那

藍翎侍衛名

瞭遂見踪跡詳寡多以

計誘賊賊遂至

達克他那緩行誘賊賊住亦住賊進則退遂引至近軍營處

請為前

導勦賊窠發師順德訥

副都統領隊大臣

率往堂堂之陣誰逆

賊賊不自量犯兩翼兩翼飛馳張鶴鷺長箭大礮如雨

下狂回奔亂氣消磨填溝受殺敢迴顧血流漂杵時無



何勦賊二千四百餘傷我十數忠堪嘉是為征回第一  
戰遂叨

天佑威荒遐軍書日馳六百里奏函夜至披衣視賜官錫  
祿酬庸勲克城更待頒恩旨討逆伐罪非得已鯨鯢京  
觀豈所喜

漢書西域傳龜茲國王治延城去長安七千四百  
八十里戶六千九百七十口八萬一千三百一十  
七勝兵二萬一千七十六人初貳師將軍李廣利

擊大宛還過杆彌杆彌遣太子賴丹為質於龜茲  
廣利責龜茲曰外國皆臣屬於漢龜茲何以得受  
杆彌質即將賴丹入至京師昭帝以丹為校尉將  
軍田輪臺龜茲王殺賴丹漢未能征宣帝時長羅  
侯常惠使烏孫還便宜發諸國兵合五萬人攻龜  
茲責以前殺校尉賴丹龜茲王執姑翼詣惠時烏  
孫公主遣女來至京師學鼓琴漢遣侍郎樂奉送  
主女過龜茲龜茲前遣人至烏孫求公主女未還

會女過龜茲王留不遣復使使報公主主許  
之後公主上書願令女比宗室入朝龜茲王絳賓  
願與公主女俱入朝元康元年遂來朝賀王及夫  
人皆賜印綬夫人號稱公主賜以車騎旗鼓歌吹  
數十人綺繡雜繒琦珍數千萬留且一年厚贈送  
之後數來朝賀其子承德成哀帝時往來尤數漢  
遇之亦甚親密

後漢書西域傳莎車王攻龜茲無其國自立其子

為龜茲王數歲龜茲國人造使向匈奴更請立王  
匈奴立龜茲貴人身毒為龜茲王龜茲由是屬匈  
奴

又班超傳龜茲王建為匈奴所立據有北道攻破  
疏勒永元三年龜茲降以超為都護拜白霸為龜  
茲王遣司馬姚光送之超與光共脅龜茲立白霸  
使光將尤利多還京師超居龜茲它乾城六年超  
發龜茲兵討焉耆

又班勇傳延光三年班勇至樓蘭龜茲王白英自疑未下勇開以恩信白英仍率姑墨溫宿自縛詣勇降勇因發其兵步騎萬餘人擊匈奴

三國志魏帝紀黃初三年龜茲王遣使奉獻詔遣使慰勞之

晉書西戎傳龜茲國西去洛陽八千二百八十里武帝太康中其王遣子入侍惠懷末遣使貢方物于張重華苻堅時堅遣其將呂光率衆七萬伐之

其王白純距境不降光進軍討平之

魏書西域傳龜茲國在尉犁西北白山之南一百七十里都延城漢舊國也去代一萬二百八十里其王姓白即後涼呂光所立白震之後東有輪臺即漢貳師將軍李廣利所屠者其南三百里有大河東流號計戍水即黃河也其東關城戍寇竊非一太武詔萬度歸率騎一千以擊去之大獲駝馬而還自後每使朝貢

周書異域傳 保定元年龜茲遣使來獻

隋書西域傳 龜茲都白山之南百七十里勝兵者  
數十大業中遣使貢方物

唐書西域傳 龜茲一曰邱茲一曰屈茲東距京師  
七千里而羸自馬耆西南步一百里度小山經大  
河二又步七百里乃至橫千里縱六百里君姓白  
氏居伊邏盧城高祖受禪王蘇伐勃駛遣使入朝  
子蘇伐疊立號時健莫賀俟利發貞觀四年獻馬

太宗賜璽書撫慰加等後臣西突厥郭孝恪伐焉  
耆乃遣兵與焉耆影援自是不朝貢弟訶黎布失  
畢立二十一年兩遣使朝貢帝怒其佐焉耆叛議  
討之乃以阿史那社爾為崑邱道行軍大總管契  
苾何力副之率安西都護郭孝恪司農卿楊宏禮  
左武衛將軍李海岸等發鐵勒十三部兵十萬討  
之社爾分五軍掠其北執焉耆王阿那支龜茲大  
悉酋長皆棄城走社爾次石碛去王城三百里先



遣伊州刺史韓威以千騎居前右驍衛將軍曹繼叔次之至多褐與王遇其將羯獵領兵五萬合戰威偽北王見威兵少麾而進威退與繼叔合還戰大破之追奔八十里王嬰城社爾將圍之王引突騎西走城遂拔社爾凡破五大城男女數萬遣使者諭降小城七百餘西域震懼社爾立王弟葉護王其國勒石紀功始徙安西都護於其都統于闐碎葉疏勒號四鎮

宋史外國傳龜茲本回鶻別種其國主自稱師子  
王東至夏州九十里或稱西州回鶻或稱西州龜  
茲又稱龜茲回鶻自天聖至景祐四年入貢者五  
最後賜以佛經一藏熙寧四年遣使入貢五年又  
入貢紹聖三年以表章及玉佛至洮西熙河經畧  
使以其罕通使請令于熙秦州博買而估所齎物  
價荅賜遣還之

玉古爾策特爾車爾楚

按玉古爾為古侖頭地即輪臺策特爾為烏壘  
城故地其南境又為漢渠犁國地車爾楚即晉  
書所謂鐵門唐書鐵門關河水自庫車東來經  
玉古爾境南再東流經策特爾境南再東流經  
車爾楚境南玉古爾策特爾車爾楚為大河東  
趨夾岸之地合紀其事于左

史記大宛傳貳師軍至侖頭侖頭不下攻數日屠  
之

漢書西域傳輪臺渠犁皆有田卒數百人

又昭帝時以扞彌太子賴丹為校尉將軍田輪臺  
輪臺與渠犁地相連也龜茲貴人姑翼謂其王曰  
賴丹本臣屬吾國今佩漢印綬來迫吾國而田必  
為害王即殺賴丹而上書謝漢漢未能征

唐書地理志北庭大都護府領輪臺縣有靜塞軍  
大曆六年置又有輪臺州都督府

右玉古爾

漢書西域傳宣帝時遣衛司馬使護鄯善以西數國時漢獨護南道未能盡并北道也神爵三年使鄯善并護北道故號曰都護督察烏孫康居諸外國治烏壘城去陽關二千七百三十八里與渠犂田官相近土地肥饒於西域為中故都護治焉

又鄭吉傳吉中西域而立莫府治烏壘城鎮撫諸國漢之號令班西域矣

後漢書西域傳莎車王賢攻龜茲王遂兼其國乃

分龜茲為烏壘國徙駟韃為烏壘王

漢書西域傳渠犂城都尉一人戶百三十口千四百八十勝兵百五十人自武帝初通西域置校尉屯田渠犂是時軍旅連出師行三十二年海內虛耗征和中貳師將軍李廣利以軍降匈奴上既悔遠征伐而搜粟都尉桑宏羊與丞相御史奏言故輪臺以東捷枝渠犂皆故國也廣饒水草有溉田五千頃以上處溫和田美可益通溝渠種五穀與

中國同時熟可遣屯田卒詣故輪臺以東置校尉  
三人分護各舉圖地形通利溝渠務使以時益種  
五穀上下詔深陳既往之悔不許昭帝天鳳四年  
復田輪臺與渠犂地皆相連宣帝地節二年鄭吉  
等田渠犂發兵攻破車師吉田車師匈奴來攻吉  
盡徙車師國民居渠犂

唐書地理志渠犂都督府隸安西都護府河西內  
屬諸州十二一名烏壘州

右策特爾

晉書西戎傳沙州刺史楊宣疆理西域宣以部將  
張植為先鋒所向風靡軍次焉耆熙拒戰于貴崙  
城進屯鐵門未五十餘里熙又率衆先要之於遮  
留谷植將至或曰谷名遮留殆將有伏單騎嘗之  
果有伏發植馳擊敗之進據尉犁

唐書地理志自焉耆西五十里過鐵門關又二十  
里至于術守捉城



右車爾楚

哈喇沙爾

謹按哈喇沙爾自漢至唐為焉耆國地宋屬西  
州回鶻元明為巴什伯里今其地距京師九千  
一百里土田肥沃魚鹽蒲葦之饒甲于他處西  
域記稱其四面據山漢書謂海水曲入四山之  
內周匝其城三十餘里今考員渠城故址形勢宛  
然愷都河冬春少狹夏秋洪湍濬發廣至三四

里屯田資之愷都河自北山發源抵哈喇沙爾  
城北環其西南稍折而東入博斯騰淖爾即古  
焉耆海再南流入羅布淖爾哈喇沙爾為愷都  
河水來會所經之地謹記其事如左

乾隆二十二年十月戶部侍郎阿里袞追擒沙喇  
斯瑪呼斯統軍邁進行至哈喇沙爾為沙喇斯瑪  
呼斯游牧處賊遁往庫車伐樹舉火斷塞山路遂  
取間道率兵窮搜山僻至塔木順和爾訥木噶獲

其衆二百餘人二十三年正月叅贊大臣雅爾哈善疏奏哈喇沙爾通庫車阿克蘇孔道地臨海都河水泉疏衍足資灌溉舊為厄魯特回衆所壅種請置屯田兵

詔從之二十四年設辦事大臣一員管理屯政武職無定額駐防綠旗馬步兵七百四十五名屯田七千四百四十畝屯兵三百六十二名

漢書西域傳焉耆國王治員渠城去長安七千三

百里戶四千口三萬二千一百勝兵六千人西南  
至都護治所四百里近海水多魚焉耆國近匈奴  
先叛殺都護但欽菴不能討天鳳三年廼遣五威  
將王駿西域都護李崇將戊己校尉出西域諸國  
皆郊迎送兵穀焉耆詐降而聚兵自備駿等將莎  
車龜茲兵七千餘人分為數部入焉耆焉耆伏兵  
要遮駿及姑墨尉犂危須國兵為反間還共襲擊  
駿等皆殺之唯戊己校尉郭欽別將兵後至焉耆

焉耆兵未還欽擊殺其老弱引兵還

後漢書班超傳永平十八年焉耆攻沒都護陳睦  
永元六年超發龜茲鄯善等八國兵合七萬人及  
吏士賈客千四百人討焉耆兵到尉犁界遣使說  
焉耆尉犁危須曰都護來者欲鎮撫三國即欲改  
過向善宜遣大人來迎當賞賜王侯以下事畢即  
還今賜王綵五百匹焉耆王廣遣其左將北鞬支  
奉牛酒迎超超詰鞬支曰汝雖匈奴侍子而今秉

國之權都護自來王不以時迎皆汝罪也賜而遣  
之廣乃與大人迎趨於尉犁奉獻珍物焉耆國有  
蒂橋之險廣絕橋不欲令漢軍入國趨更從他道  
厲度七月晦到焉耆去城二十里正營大澤中廣  
出不意大恐廼欲悉驅其人共入山保焉耆左侯  
元孟先嘗質京師密遣使以事告趨趨示不信用  
乃期大會諸國王因揚聲當重加賞賜于是焉耆  
王廣尉犁王汎及北鞬支等三十人相率詣趨其

國相腹久等十七人懼誅皆亡入海而危須王亦不至坐定超怒詰廣曰危須王何故不到腹久等所緣逃亡遂叱吏士收廣汎等于陳睦故城斬之傳首京師因縱兵鈔掠更立元孟為焉耆王超留焉耆半歲撫慰之于是西域五十餘國悉皆納質內屬焉

又西域傳焉耆國王居南河城北去長史所居八百里其國四面有大山與龜茲相連道險阨易守

有海水曲入四山之內周而城三十餘里永平  
末焉耆與龜茲共攻沒都護陳睦副校尉郭恂至  
永元六年都護班超發諸國兵討之更立左侯元  
孟至安帝時西域背叛延光中超子勇為西域長  
史復討定諸國元孟與尉犂危須不降永建二年  
勇與敦煌太守張朗擊破之元孟乃遣子詣闕貢  
獻

晉書西戎傳焉耆國去洛陽八千二百里其地南



至尉犁北與烏孫接武帝太康中其王龍安遣子  
入侍子會立襲滅白山遂據其國遣子熙歸本國  
為王會有膽氣籌畧葱嶺以東莫不率服其後張  
駿遣沙州刺史楊宣率衆疆理西域宣以部將張  
植為先鋒所向風靡熙率其羣下四萬肉袒降于  
宣呂光討西域復降于光後光僭位熙又遣子入  
侍

魏書西域傳焉耆國在車師南都員渠城白山南

七十里漢時舊國也去代一萬二百里其王姓龍  
名鳩尸畢那即前涼張軌所討龍熙之後所都城  
方二里恃地多嶮頗剽劫中國使太武怒之詔成  
周公萬度歸討之約齋輕糧取食路次度歸入焉  
耆東界進軍圍員渠鳩尸畢那以四五萬人出守  
險以拒度歸募壯勇短兵直往衝鳩尸畢那衆大  
潰單騎走入山中度歸進屠其城四鄙諸戎皆降  
服

周書異域傳焉耆國南去海十餘里有魚鹽蒲葦  
之饒保定四年其王遣使獻名馬

隋書西域傳焉耆國都白山南七十里漢時舊國  
也大業中遣使貢方物

唐書西域傳焉耆國直京師西七千里而羸橫六  
百里縱四百里太宗貞觀六年其王龍突騎支始  
遣使來朝自隋亂磧路閉故西域朝貢皆道高昌  
突騎支請開大磧道以便行人帝許之高昌怒大

掠其邊十二年攻陷其五城掠千五百人焚廬舍  
侯君集討高昌遣使與相聞突騎支喜引兵佐唐  
高昌破歸向所俘及城遣使者入謝西突厥臣屈  
利啜為弟娶突騎支女遂相約為輔車勢不朝貢  
安西都護郭孝恪請討之會王弟頡鼻粟婆準葉  
護等三人來降帝即命孝恪為西州道總管率兵  
出銀山道以粟婆準等為嚮導初焉耆所都周三  
十里四面大山海水繚其外故恃為不虞孝恪倍

道絕水夜傳堞遲曙噪而登鼓角轟哄唐兵縱國  
人擾敗執突騎支更以粟婆準攝國事屈利啜以  
兵救焉耆而孝恪還三日矣屈利啜囚粟婆準更  
使吐屯攝王遣使以告帝曰焉耆我所下爾乃王  
之耶吐屯懼不敢王焉耆立粟婆準而從兄薛婆  
阿那支自為王號瞎千執粟婆準獻龜茲阿史那  
社爾討龜茲阿那支奔之壁東境抗王師為社爾  
所擒數其罪立突騎弟婆迦利為王以其地為焉

耆都督府

唐西域記出高昌故地自近者始曰阿耆尼國舊

曰烏

烏為馬  
字之訛

耆東西六百餘里南北四百餘里國

大都城周六七里四面據山道險易守衆流交帶

引水為田

元史地理志至元十五年授巴克察徹爾虎符掌  
巴什伯里畏兀城子里軍站事十八年自大和嶺  
至巴什伯里置新站二十二年立巴什伯里和州

等處宣慰司二十三年遣侍衛新附兵千人屯田

巴什伯里置元帥府

巴克察徹爾舊作八撒察里  
巴什伯里舊作別失八里今

評改

明史西域傳巴什伯里西域大國也南接于闐北  
連衛拉特西抵賽瑪爾堪東抵哈喇和卓東北距  
嘉峪關三千七百里或曰焉耆或曰龜茲元世祖  
時設宣慰司尋改為元帥府其後以諸王鎮之洪  
武中其王喀第爾和卓即遣千戶克瑪里丁等來

朝貢二十四年命主事肯徹等使西域以書諭喀  
第爾和卓成祖即位之冬遣官齎璽書綵幣使其  
國十六年貢使蘇卜克言其王從弟烏蘇自立徙  
其部落西去更國號曰伊勒巴拉帝以番俗不足  
治授蘇卜克為都督僉事自後使臣多授官成化  
元年定西域朝貢期令伊拉巴拉三歲五歲一貢  
使者不得過十人自是朝貢遂稀

哈勒哈阿璫庫隴勒



按哈勒哈阿瑯庫隴勒並為漢尉犁地愷都河  
流入博斯騰淖爾又醜而西過哈勒哈阿瑯之  
南繞庫隴勒之西南會塔里木大河入羅布淖  
爾哈勒哈阿瑯庫隴勒為海都河會大河所經  
之地今紀其事如左

漢書西域傳尉犁國王治尉犁城去長安六千七  
百五十里戶千二百口九千六百勝兵二千人西  
至都護治所三百里南與鄯善且末接

魏畧尉犁國并屬焉耆

魏書西域傳萬度歸討焉耆入其東界擊其邊守  
右迴尉犁二城破之

唐書西域傳自焉耆西南步二百里度小山經大  
河二又步七百里至龜茲

羅布淖爾境

按羅布淖爾在哈喇沙爾南二百餘里噶斯淖  
爾西北二百里史記名鹽澤漢書名蒲昌海括

地志一名輔日海亦名牢蘭海亦名臨海喀什噶爾河葉爾羌河和闐河阿克蘇河庫車河愷都河悉注于此奔淪湍急週迴五百里旁有小洲數十西域之水莫大於此其濱岸境多有回人部族聚處今紀其事如左

雍正元年二月副將軍阿喇衲奏報羅布淖爾回人古爾班等率哈喇庫勒薩達克圖哈喇和碩等處戶口千餘人輸誠投順

詔納之三年議以羅布淖爾回人並水居漁獵為生有願  
陸居者令與吐魯番回衆同夥居布隆吉爾沙州  
瓜州耕種乾隆二十三年二月戶部侍郎阿里衮  
率師追擒巴雅爾道經羅布淖爾有回人頭目哈  
什哈以其衆來降告曰回民聚處于此凡數十年  
有二千餘戶數經遷徙餘數百人以漁獵為生前  
大兵平定吐魯番時將軍曾遣使招撫後師旋為  
準噶爾所據

王師平定準噶爾附吐魯番伯克呈

貢仙鶴今率其衆六百餘人來歸阿里衮察其地勢遼  
濶林木深廣登高眺望海水渺無涯岸時大軍兩  
路進勦因戒以嚴防逋逃稽其戶口暫附額敏和  
卓統之二十六年西師凱旋叅贊大臣舒赫德議  
查羅布淖爾凡兩部落一為喀喇庫勒一為喀喇  
和卓喀喇和卓又區為五請增總營伯克三餘仍  
其舊凡一百八十三戶一千七十一口其歲納哈

什翎百枝海倫九張仍如其常賦

詔徙之

唐書西域傳貞觀九年以高既生為鹽澤道行軍  
總營

附噶斯

按噶斯為漢且末國地唐折摩馱那國近羅布  
淖爾南考漢時自敦煌郡出玉門關西行為鄯  
善又西為且末今噶斯在色爾騰海西八百里

金史卷一百一十八  
卷二十八  
和闐東路大沙磧南其為古且末地所屬無疑也噶斯淖爾周迴二百里支流三道西南行百餘里在羅布淖爾南偏西二百里為羅布淖爾潛水最近之境附記其事於左

康熙五十四年大兵征準噶爾

命鑾儀使董大成駐劄噶斯口大成疏言噶斯三面雪山絕無來往人跡中有一線水草葦蘆其大路在得卜特爾西南走藏東南走青海西通大通河半月

可至永固城西北走柴達木吐魯番為準逆出入  
咽喉五十六年增設駐防兵並定更番日期雍正  
七年西師再出以噶斯為準噶爾通青海西藏要  
路分兵駐守議以八旗及歸化城科爾沁青海選  
兵定期往駐又以噶斯地狹並於其旁柴達木得  
卜特爾察罕烏蘇分駐以壯聲援奏入

詔從之

漢書西域傳且末國王治且末城去長安六千八



百二十里戶二百三十口千六百一十勝兵三百二十人西北至都護治所二千二百五十八里

後漢書西域傳光武以天下初定未遑外事小宛精絕戎廬且末為鄯善所并後其國並復立

魏書西域傳且末國都且末城在鄯善西去代八千三百二十里真君三年鄯善王比龍避沮渠安周之難率國人之半奔且末後復屬鄯善大統八年其兄鄯善米率衆內附

隋書帝紀大業五年置且末郡

唐書西域傳貞觀九年以李大亮為且末道行軍  
總管大亮倂名王二十雜畜五萬次且末之西

又于闐東大流沙人行無迹故往返輒迷行四百  
里至故都邏又六百里至故折摩馱那古且末也



欽定四庫全書

河源紀畧卷二十九

紀事四

招哈和屯

按招哈和屯即古交河城車師前王所居今其地距京師八千四百餘里招哈河出其北源出金嶺中分道南流環城左右而南注至城南折而西南流二十里入沙磧招哈和屯為羅布淖爾

北境伏流來會之水所經之地今紀其事如左  
漢書西域傳車師前國王治交河城河水分統城  
下故號交河去長安八千一百五十里戶七百口  
六千五十勝兵千八百六十五人西南至都護治  
所千八百里地節二年車師叛漢遣侍郎鄭吉  
等發城郭諸國兵萬餘人自與所將田士千五百  
人共擊車師攻交河城破之

後漢書西域傳車師前王居交河城河水分流繞

城故號交河去長史所居柳中八十里東去洛陽  
九千一百二十里領戶千五百餘口四千餘勝兵  
二千人建初元年酒泉太守段彭大破車師於交  
河城

魏書帝紀世祖太延元年車師國遣使朝獻尋以  
大帥車伊洛為前部王

魏書西域傳車師國一名前部其王居交河城去  
代萬五十里其地北接蠕蠕本通使交易世祖時遣

使朝獻詔行人王恩生許綱等出使恩生等時度  
流沙為蠕蠕所執恩生見蠕蠕吳提持魏節不為  
之屈後世祖切讓吳提吳提懼乃遣恩生等歸初  
沮渠無諱兄弟之渡流沙也鳩集遺人破車師車  
伊洛遣使求救下詔撫慰之開焉耆倉給之正平  
初遣子入侍自後每使朝貢

唐書西域傳高昌王都交河城漢車師前王庭也  
侯君集為交河道大總管伐高昌中郎將辛獠兒

以勁騎夜逼其都軍進填隍引衝車飛石如雨城中大震智盛謁軍門請改事天子君集諭使降使未屈薛萬均勃然起曰當先取城小兒何與語麈而進智盛流汗伏地曰惟公命乃降

又地理志交河郡交河縣縣北八十里至龍泉館又北入谷一百三十里經柳谷度金嶺經石會漢戍至北庭都護府城

文獻通考君集以兵傳城智盛降以交河城為交



河縣

宋史高昌傳王延德使高昌師于王邀延德至其  
北庭歷交河州

土爾番

謹按土爾番即吐魯番為唐高昌縣安樂城遺  
址今其地距京師八千四百餘里土爾番河發  
源其西金嶺經土爾番城西南流土爾番為羅  
布淖爾東北伏流來會之水所經之地合紀其

事於左

康熙五十九年八月散秩大臣阿喇衲率兵至土爾番土爾番部阿克蘇爾坦及總管酋目沙克札拍爾等率衆歸降六十年靖逆將軍富寧安奏吐爾番回人因策妄阿喇布坦徙其衆於哈喇沙爾相率逃歸準噶爾率衆來追回人復併力擊退之請兵救援時議以策妄阿喇布坦未滅若納其降須屯兵守護恐糧運艱難

卷二十九  
詔以回人既已歸降即係我人民

命派兵二千往撫其衆并駐劄以資防守策妄阿喇布坦  
遣兵來犯散秩大臣阿喇衲侍衛克什圖等率師  
迎戰大敗之追捕數十里是冬以吐爾番駐師

命總督鄂海等前往經理墾田雍正八年以吐爾番回目  
額敏和卓屯田効力恭順可嘉

特旨褒賞十年十一月封額敏和卓為札薩克輔國公十

二月

詔以吐爾番遠在邊境賊人不時侵擾瓜州土肥饒多水  
泉氣候和暖與回民舊住處風景相似地寬濶可  
開墾足資耕牧遂由塔勒納沁遷其衆於瓜州乾  
隆二十年吐爾番回首莽噶里克率衆一千戶投  
誠二十一年以其屬衆編次旗分佐領封莽噶里  
克為札薩克公尋以叛復降為總兵傅魁所誘殺  
以額敏和卓子素賚瑞駐其地

周書帝紀明帝二年遣柱國寧蜀公尉遲回率衆

于河南築安樂城

文獻通考四夷考吐魯番一名吐爾蕃本交河縣之安樂城城方三里

明史西域傳吐爾蕃在和卓西百里去哈密千餘里嘉峪關二千六百里漢車師前王地隋高昌國唐滅高昌置西州及交河縣此則交河縣安樂城也宋復名高昌為回鶻所據嘗入貢元設萬戶府永樂四年遣官使巴什伯里道其地以綵幣賜之

二十年其酋為巴什伯里所逐走歸京師天子遣  
還故土洪熙元年躬率部落來朝宣德正統景泰  
天順間皆遣使入貢初其地微弱後哈喇和卓柳  
城皆為所并成化九年據哈密城執王母奪金印  
分兵守之而去朝廷命李文等經略無功而還弘  
治元年諭歸侵地不奉命復遣使貢禮官議薄其  
賞拘使臣四年以所據十一城及金印來歸厚賜  
之釋還所拘使臣六年復襲陷哈密巡撫許進等

遣兵擊走之正德九年犯肅州嘉靖三年寇肅州

掠甘州四年復寇肅州皆失利去七年賊黨雅蘭

率所屬來降自是勢漸孤部下各自雄長迄萬厯

朝遣使奉貢不絕

和卓舊作火州巴什伯里舊作別失八里雅蘭舊作牙蘭今改譯

哈喇和卓

謹按哈喇和卓為漢車師前國地魏晉以下并

為高昌國地唐置交河郡高昌縣地元曰哈喇

火者

當作哈喇和卓

明曰火州

當作和卓

今其地距京師八

千三百餘里哈喇和卓河在城東二十里源出  
金嶺西流入于地哈喇和卓為羅布淖爾東北  
伏流來會之水所經之地今紀其事如左

雍正九年準噶爾賊衆侵擾土爾番攻魯克察克  
城四十餘日不下後以木梯三百攻哈喇和卓城  
堡回民悉力拒守殺賊甚衆大兵繼至賊聞風驚  
懼遺棄馬匹器仗及所炊熟食而遁十年閏五月  
賊人宰桑額爾克得松率兵二十分東西兩路復



來犯喀喇和卓城叅將劉廷琰遊擊李英等分兵  
擊之賊敗走率師追勦而還乾隆二十四年準噶  
爾平定置屯田六千畝屯兵三百名管屯武職無  
定額

晉書張駿傳初戊巳校尉趙貞不附于駿駿擊擒  
之以其地為高昌郡

又呂光載記光以高昌雖在西陲地居形勝以子  
覆為使持節鎮西將軍都督玉門以西軍事西域

大都護鎮高昌

隋書西域傳高昌國其都城周迴一千八百四十步國內有城十八

唐書地理志西州交河郡領縣前庭本高昌實應元年更名

文獻通考唐平高昌以高昌為高昌縣

元史地理志西北地附錄哈喇和卓舊作合喇火者今改正

明史西域傳和卓舊名火州今改正又名哈喇在柳城西

七十里土爾番東三十里即漢軍師前王地隋時  
為高昌國唐太宗滅高昌以其地為西州宋時回  
鶻居之嘗入貢元名和卓與安定曲先諸衛統號  
輝和爾置達爾噶齊監治之永樂四年五月命鴻  
臚丞劉特穆爾護巴什伯里使者歸因齎綵幣賜  
其王子哈散明年遣使貢玉璞方物十一年又來  
貢命陳誠李暹等以璽書文綺紗羅布帛往勞十  
三年冬遣使隨誠來貢自是久不至正統十三年

復貢後遂絕其地城方十餘里東有荒城即高昌

國郡漢戊巳校尉所作

輝和爾舊作畏兀兒達爾嚕齊舊作達魯花赤特穆

爾舊作帖木兒巴什伯里

舊作別失八里今譯改

### 魯克察克

謹按魯克察克即漢柳中地戊巳校尉城此因

名柳城後訛為柳陳又為魯陳魯克察克河發

源金嶺南麓西行經魯克察克城南旁嶺西流

而伏魯克察克為羅布淖爾東北伏流來會之

水所經之地今紀其事於左

康熙六十年土爾番回人歸誠因為準噶爾遷徙  
相率逃歸移駐于魯克察克雍正九年賊率衆二  
千餘人來攻其城圍四十餘日回民奮勇出擊殺  
賊數百人會將軍岳鍾琪令總兵張元佐等以兵  
三千援之賊望風即遁倍道追之賊四散逸去兵  
抵魯克察克城下回目額敏和卓及老幼男女歡  
迎即留兵一千駐之十年

詔額敏和卓率其衆移駐瓜州乾隆二十年準噶爾平定  
後復還居故地

漢書西域傳戊巳校尉屯田居車師故地校尉刁  
護病遣使陳良屯桓且谷備匈奴寇史終帶取糧  
食司馬丞韓元領諸壁右曲侯任商領諸壘相與  
謀曰西域諸國頗背叛匈奴欲大侵將人衆降匈  
奴即將數千騎至校尉府脅諸亭令燔積薪去校  
尉府數里正晨火難校尉開門擊鼓收吏士良等

隨入遂殺校尉刁護止留戊巳校尉城良等盡脅  
略戊巳校尉吏士男女二千餘人入匈奴單于以  
良帶為烏賁都尉後三歲單于與莽和親莽遣使  
者多齎金幣賂單于購求陳良終帶等單于盡收  
四人及手殺刁護者芝音妻子以下二十七人皆  
械檻車付使者到長安莽皆燒殺之

資治通鑑漢明帝永平十七年以謁者闕寵為巳  
校尉屯前王部柳中城十八年匈奴圍關寵于柳

中城闕罷上書求救建初元年酒泉太守段彭等  
兵會柳中北匈奴遁走遂罷戊巳校尉兩都護官  
後書漢西域傳延光二年敦煌太守張璠上書言  
若不能出兵可置軍司馬將士五百人四郡攻其  
犁牛穀食出據柳中此中計也帝納之乃以班勇  
為西域長史將弛刑士五百人西屯柳中勇遂破  
平車師又伊吾北有柳中皆膏腴地

輿地志晉咸和二年張氏置高昌郡立田地縣



魏書高昌傳熙平元年麴嘉遣兄子私署左衛將軍田地太守

唐書侯君集傳君集次磧口而文泰死子智盛囊襲位進營柳谷于是鼓而前賊嬰城自守遣使諭之不下乃刊木塞塹引撞車毀其堞飛石如雨所向無敢當因拔其城俘男女七十進圍都城

又西域傳高昌田地戍已校尉所治也侯君集伐高昌王師至磧口奄攻田地城契苾何力以前軍

鏖戰是夜星墜中城明日拔其城擄七千餘人

文獻通考唐平高昌以田北城

即田地城

為柳中

按方輿紀要以高昌廢縣為古田地城高昌縣

治即今哈喇和卓文獻通考唐平高昌以田地

城為柳中魯克察克漢柳中地也戊巳校尉城

此因名柳城南史高昌國置四十六鎮田地其

一唐書西地傳稱田地城戊巳校尉所治北與

地字相類當屬傳寫之誤侯君集伐高昌拔田

地城進逼其都今魯克察克在哈喇和卓東五  
十里與田地城之界相合其城東漢柳中地故  
唐以為柳中縣又與戊巳校尉所居之說相符  
則以高昌廢縣為田地城其誤可以證矣

元史地理志西北地附錄魯克察克

舊作魯古  
塵今改正

明史西域傳柳陳一名魯陳又名柳陳即後漢柳  
中地西域長史所治唐置柳中縣西去和卓七十  
里東去哈密千里經一大川出大川渡流沙在火

山下有城屹然廣二三里即柳城也四面皆田園  
流水環繞樹木陰翳永樂四年劉特穆爾使巴什  
伯里因命齎綵幣賜柳城酋長嗣是屢入貢柳城  
密爾和卓土爾番凡遣朝使及其酋長入貢多與  
偕土爾番強二國並為所滅

### 關展

謹按關展漢車師前國狐胡地晉名高昌魏并  
于蠕蠕其全境甚廣自招哈和屯以東皆其西

境關展河出城之西發源於楚輝城南山麓東北流二十里經開展城西出孔道北十里入于沙磧關展為羅布淖爾東北伏流來會之水所經之地今紀其事如左

康熙五十九年大兵進勦策妄阿喇布坦散秩大臣阿喇衲率師進至關展城有回兵拒守官兵進擊之擒其部人即遣還令諭回衆曰

王師為征策妄阿喇布坦而來道出於此爾衆若速歸

順悉赦無誅否則破城悔無及矣于是城中回部  
酋長即率其衆三百餘人以降乾隆二十一年十  
一月將軍和起追擒叛賊巴爾雅至此公額敏和  
卓以兵四百人及莽噶里克呢嗎扎哈沁諸部兵  
來會莽噶里克呢嗎兵叛夜掠和起營起背腹受  
敵被創數處顧其部兵努固德彰金布曰我今力  
竭必死此地拔所戴翎命持練巴爾庫勒參贊大  
臣營努固德曰偕將軍力戰突出即免矣起曰身

身為大臣不能擒叛賊反逃死乎努固德等行乃  
死叛賊尋即擒誅闡展復定設辦事大臣一員統  
理諸務管理駐扎綠營都司一員統馬步兵三百  
三十名屯田一萬三千六百三十三畝屯兵八百  
名管屯武職無定額

漢書西域傳西域有兩道南道樓蘭北道出車  
師二國當漢使空道攻擊漢使尤甚五帝天漢二  
年以匈奴降者介和王為開陵侯將樓蘭國兵擊

車師匈奴遣右賢王將數萬騎救之漢兵不利引去征和四年遣重合侯馬通將四萬騎擊匈奴道過車師北復遣開陵侯將樓蘭尉犁危須等六國兵擊車師勿令得遮重合侯諸國兵共圍車師車師王降服臣屬漢昭帝時匈奴使四千騎田車師宣帝即位以田廣明為祁連將軍趙充國為蒲類將軍田順為武牙將軍及度遼將軍范明友前將軍韓增將軍擊匈奴車師田者驚去車師復通于



漢地節二年車師叛遣侍郎鄭吉校慰司馬熹將  
免罪刑人田渠犁積穀以攻車師至秋收穀吉熹  
擊車師破之軍食盡罷兵歸田秋收畢復發兵攻  
車師王于石城王議降漢恐不見信擊匈奴邊國  
小蒲類略其人民以降匈奴聞車師降漢發兵攻  
車師吉熹引兵北逢之匈奴不敢前吉熹因留候  
卒二十人留守王引兵歸車師王恐匈奴兵復至  
奔烏孫吉迎其妻子傳送長安賞賜甚厚別發吏

卒往田車師匈奴以車師地肥美近匈奴數遣兵  
擊田者吉馳救卒少不能當保車師城中為所圍  
數日迺解後嘗數千騎往來守車師吉上書言車  
師去渠犁千餘里間以河山北近匈奴執不能相  
救願益田卒公卿議以道遠煩費可置車師田者  
詔長羅侯常惠將張掖酒泉騎出車師北千餘里  
揚威武車師旁引吉等還於是名故車師太子軍  
宿在焉耆者立以為王盡徙國民令居渠犁以車

師故地與匈奴神爵三年匈奴乖亂漢因復田車  
師初元二年置戍已校尉屯田車師故地其後車  
師復居其地

後漢書耿秉傳永平十七年詔秉與竇固合兵萬  
四千騎復出白山擊車師車師有後王前王前王  
即後王之子其庭相去五百餘里固以後王道遠  
山谷深士卒寒苦欲攻前王秉議先赴後王以為  
并力根本則前王自服固計未決秉奮身而起曰

請行前乃上馬引兵北入衆軍不得已遂進後王安得震怖從數百騎出迎秉而固司馬蘇安欲全功歸固即馳謂安得曰漢貴將獨有奉車都尉當先降之安得乃還更令其諸將迎秉秉大怒被甲上馬麾其精騎徑造固壁言曰車師王降迄今不至請往梟其首固大驚曰且止秉厲聲曰受降如受敵遂馳赴之安得惶恐抱馬足降秉將以詣固其前王亦歸命遂定車師而還

又西域傳和帝永元三年復置戊巳校尉領兵五百人居車師前部高昌壁後西域背叛安帝元初六年車師前王來降數月北匈奴擊走前王其後連與車師入寇河西朝廷不能禁延光二年以班勇為西域長史勇遂破平車師自伊吾北通車師前部高昌壁千二百里自伊昌壁北通後部金滿城五百里此其西域之門戶也故戊巳校尉更互屯焉

晉書苻堅載記太元七年車師前部王彌寘朝于  
堅請年年貢獻堅以西域路遙不許令三年一貢  
九年一朝以為永制寘等請曰大宛諸國雖通貢  
獻然誠節未純請乞依漢制都護故事若王師出  
關請為卿導堅于是以驍騎呂光為持節都督西  
討諸軍事與陵江將軍姜飛輕騎將軍彭晃等配  
兵凡七萬伐破西域

魏書高昌傳高昌者車師前王之故地漢之前部

地也東西二千里南北五百里四面多大山或云漢武遣兵西討師旅頓敝其中尤困者因住焉地勢高敞人庶昌盛因云高昌亦云其地有漢時高昌壘故以為國號東去長安四千九百里漢西域長史戊巳校尉並居于此晉以其地為高昌郡張軌呂光沮渠蒙遜據河西皆置太守以統之國有八城北有赤石山七十里有貪汗山夏有積雪此山北鐵勒界也世祖時有闐夾者自為高昌太守

太延中遣散騎侍郎王恩生等使高昌為蠕蠕所  
執真君中爽為沮渠無諱所襲奪據之無諱弟安  
周代立和平元年為蠕蠕所并蠕蠕以闕伯周為  
高昌王其稱王自此始也太和初于義成立歲餘  
其兄首歸自立為高昌王五年高車王以敦煌人  
張孟明為王後為國人所殺立馬儒為王以鞏顧  
禮翹嘉為左右長史二十一年奉表朝賀請舉國  
內徙高祖納之而高昌舊人不願東遷相與立翹



嘉為王又臣于蠕蠕後又臣于高車孝亮朝京師仍  
求內徙乞軍迎援神龜元年復表求援內徙不許  
正光元年肅宗遣假員外將軍趙義等使于嘉嘉  
朝貢不絕又遣使奉表自以邊遐不習典誥求借  
五經諸史并請國子助教劉燮以為博士肅宗許  
之普泰初遣使朝貢

周書異域志高昌者車師前王之故地東去長安  
四千九百里東西三百里南北五百里國內總有

城一十六自魏嘉以來世修藩職于魏大統十四年詔以其世子元喜為王恭帝二年又以其田地公茂嗣位武成元年其王遣使貢方物保定初又遣使來貢

隋書西域傳高昌漢車師前王庭也開皇十年突厥破其四城二千人來歸中國大業四年遣使貢獻帝待其使甚厚明年其王伯雅來朝因從擊高麗還尚宗室女華容公主八年冬歸藩自是歲貢

方物

唐書西域傳高昌直京師四千里而羸其橫八百里縱五百里凡二十一城勝兵萬人武德初伯雅子文泰立遣使來告太宗即位獻元狐裘貞觀四年文泰來朝禮賜厚甚妻宇文求預宗籍有詔賜氏李更封長樂公主久之文泰與西突厥通凡西域朝貢道其國咸見壅掠伊吾嘗臣西突厥至是內屬文泰擊之帝下詔讓其反覆台大臣冠軍阿

史那矩計事文泰不遣使長史麴雍來謝罪又破  
焉耆三城擄其人焉耆王訴諸朝遣虞部郎中李  
道裕問狀復遣使謝帝引責之復下璽書促使入  
朝文泰稱疾不至乃拜侯君集為交河道大總管  
左屯衛大將軍討之君集分兵略定凡三州五縣  
二十二城戶八千口三萬披其地皆州縣之號改  
西昌州曰西州更置安西都護府歲調千兵謫罪  
人以戍

又地理志西州交河郡貞觀十四年平高昌以其地置開元中曰金山都督府天寶元年為郡縣五前庭柳中交河蒲昌天山

宋史外國傳唐貞觀中侯君集平高昌為西州安史之亂其地陷沒乃復為國其人頗有回鶻故亦謂之回鶻建隆三年西州回鶻來貢太平興國六年其王始稱西州外生師子王太宗遣供奉官王延德使高昌雍熙元年還叙其水程來獻

王延德高昌行紀其地南距于闐西南距大食波斯西距西天步路涉雪山葱嶺皆數千里所統有南突厥北突厥大衆熨小衆熨樣磨割祿黯戛司末蠻格哆族預龍族之名甚衆師子王邀延德至其北庭憇高臺寺見其王及王子侍者皆東向拜受賜既而王之兒女親屬皆出羅拜以受賜西抵安西即唐之西境

